



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Cap. 1. De essentialibus huius Sacramenti.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

DE
SACRAMENTO ORDINIS.

à quæst. 34. usque ad quæst. 40. inclusuè.

CAPVT I.

De Essentialibus huius Sacramenti.

DVBIVM I.

Virum in Ecclesia debeat esse Ordo?

¹
Varij sunt
gradus seu
Ordines in
Ecclesia.

Respondeo: In Ecclesia necessariò debere esse Ordinem; id est, distinctionem graduū & ministeriorum sacrorum, per quos alij alij præsint, & diuina adminifrent. Ratio est: Primo, Quia Ecclesia est veluti ynum corpus heterogeneū, quale est humanū; ad Rom. 12. atqui in corpore debent esse varia membra, quæ habeant distincta officia, inter se ordinata, & quantum aliud influxum habeat in aliud: ergo & in Ecclesia debent esse varij gradus & ordines inter se ordinari, per quos alij in alios sacram influxum habeant. Secundō, Ecclesia, quæ est in terris, debet imitari cælestem, in qua sunt varij gradus superiores & inferiores: ergo similiter & in ea tales esse debent. Idem cōfirmari potest ex Republica Politica, in qua sunt varij gradus.

DVBIVM II.

Virum conuenienter Ordo definitur à Magistro in 4. Sententiarum?

²
Ordinis
definitio.

³
Ordo du-
plex.

Respondeo: Ordinem rectè sic definiri: Ordo est signaculum quoddam Ecclesie, per quod spiritualis potestas confertur Ordinato. Addit Scotus, destinata ad Eucharistia ministerium. Quod explicatur: nam omnis Ordo, vel cff ad Eucharistiam consecrandā, vt Sacerdotium: vel ad ipsos Sacerdotes consecrandos, vt Episcopatus: vel denique ad exhibendum aliquod ministerium preuium Eucharistia consécrationi, vt reliqui Ordines inferiores.

Notandum est: Ordinem dupliciter accipi, vt adpliciter 2. a. 3. Primò, Pro ipsa potestate seu gradu; sicut cum dicimus, in Ecclesia, & in Angelis esse varios ordines; sic accipitur in 1. art. Secundò, Pro Ordinatione, seu ritu externo, quo confertur haec potestas: sic accipitur in 2. art. Ritus enim ille seu ceremonia, quam vocamus propriæ Ordinationem, est Signaculum quoddam Ecclesie, id est, quoddam signum externum in Ecclesia Christi, per quod spiritualis potestas confertur Ordinato: nempe potestas administrandi & conficiendi Sacra menta, aut ea quæ ad Sacramentorum administrationem, vel receptionem referuntur. Dicitur autem haec potestas spiritualis, quia ad effectu spiritualem destinatur, sive proximè, sive remotè.

Petes: Cuius rei signaculum est ordinatio externa?

Respondeo: Duplicit, nempe potestatis, quæ per eam confertur; & gratie sanctificantis, quæ ad rectâ functionem illius potestatis est necessaria.

DVBIUM III.

*Virum Ordo, seu potius Ordinatio,
sit Sacramentum?*

CAlinus lib. 4. Instit. c. 19. §. 31. admittit esse Sacramētum, sicut Baptismum & Cœnam. Idem docent Molles confessionistæ; vt patet in Apologia confessionis Augustanae art. 13. Rigidi Lutherani negant.

Respondeo: Fide tenendum est, Ordinationem esse verum & propriè dictum noua legis Sacramentum. Probatur Primo: Ex Script. 1. ad Timoth. 4. v. 14. Noli negligere gratiam, qua in te est, qua data est tibi per prophetiam, cum impositione manū presbyteri. 2. ad Timoth. 1. v. 6. Admoneo te, vt resuscites gratiā Dei, que est in te per impositionem manū mearū. His locis loquitur Apostolus de Ordinatione Timothei, vt docent communiter Patres. Tria autem requiruntur ad rationem Sacramenti propriè dicti; scilicet Ritus externus, promissio gratiae, & perpetua eius ritus duratio: qua tria hic reperiuntur. Nam Ritus externus est impositione manū. Vnde Patres, præseruit Greci, Ordinationem, quæ sit ab Episcopo, vocant χειροτονίαν vel χειρότεσιν; id est, manū impositionem. Promissio gratiae insinuat, cum dicitur gratiā esse datam per impositionem, seu cum impositione manū. Perpetua duratio indicatur, in eo quod Timotheus, tanquam Pastor Ecclesiæ accepit hanc impositionem. Ecclesia autem semper debet habere Pastores, vt patet ad Ephes. 4.

Dices Primo: Illis locis non agitur de gratia iustificante, sed de officio & munere Episcopali non negligendo: Greci enim non est χάρις, id est, gratia, sed χειροτονία, id est, donum.

Respondeo: Apostolus per illud nomē Charisma, non solum intelligit munus Episcopale, sed etiam gratiā, ad illud manus ritè obeundum, necessarium: hoc enim nomen commune est, significans omne donum Dei, sive gratum faciens, sive gratis datum; vnde non debet restringi ad nudam potestatem Episcopalem. Quid confirmatur: nam Apostolus 2. ad Timoth. 1. cum dixisset, Resuscita gratiam, qua est in te per impositionem manū mearū, statim explicat quæ sit illa gratia: Non enim dedit nobis Deus spiritū timoris, sed virtutis, & dilectionis, & sobrietatis, qui spiritus haud dubiè, est gratia sanctificans. Idem confirmatur Ioannis 20. v. 22. vbi Dominus, cum daret potestatem absoluendi, quæ est pars quedam potestatis Sacerdotalis, simul dedit Spiritū S. dicens: Accipite Spiritum sanctum, quorum remiseritis &c. Atqui in Scripturis nunquam absolute dicitur dari spiritus sanctus, nisi quando datur gratia iustificans.

Dices Secundò: Christus non ordinavit Apostolos per manū impositionem: nam Luca 22. fine villa ceremonia fecit eos Sacerdotes, cū ait v. 19. Hoc facite in meā commemorationem: ergo.

Respondeo: Et si Christus ibi non imposuerit manus, eò quod solum potestatē consecrandi contulerit, ad quam etiā modò manus nō imponuntur, potuit

Cap. I. De Sacramento Ordinis. Dub. 3. 4. 5. 6.

§ 27

An Christus ordinari per manuum impositio nem?

potuit tamē eas imposuisse, Ioan. 20. quando dedit potestatem absoluendi, et si hoc scriptum non sit; sicut & alia plurima scripta non sunt. Adde: Dominum potuisse dare effectū Sacramenti sine Sacramento; sicut Apostolis dedit effectum Confirmationis sine Sacramento Confirmationis.

Probatur Secundū: Ex Concilij. Conc. Oecumenicū Chalcedonense can. 2. *Si quis Episcopus per pecuniam Ordinationē fecerit, & pretio venderid Spiritus S. gratiam, denatur: ubi Concilium vetat Ordinationem fieri pro pecunia; qui gratia Spiritus S. venderetur: sentit ergo in eo dari gratiā Spiritus sancti. Idem postea multa alia Concilia decreuerunt. Denique Conc. Florentinum approbantibus Latinis & Grecis, ait, *Sextum Sacramentum esse Ordinis. Conc. Tridentinū sess. 7. can. 1. & seqq.* dicit anathema ijs, qui dicunt Ordinem, aut aliquod ex se alijs, non esse propriè & verè Sacramentum, aut non conferre gratiam ex opere operato. Omitto alia loca eiusdem Concilij.*

Probatur Tertiū: Ex Patribus. Horū testimonia vide apud Bellarm. Valentiam, & alios. Iano centius I. epist. 18. c. 3. ad Alexandrum Antiochia Episcopum dicit, *Plenitudinem Spiritus S. maxime operari in Ordinationibus Sacerdotum: & aperte insinuat, maiorem dari gratiam in Ordinatione, quam in Baptismo, quem cum Ordinatione comparat. Ambros. de dignitate Sacerdotali c. 5. Quis dat frater, Episcopalem gratiam, Deus an homo? Responde sine dubio, Deus. Sed tamen per hominem dat Deus. Homo imponit manum, Deus largitur gratiam. Sacerdos imponit supplicē dexteram, Deus benedit potenti dextera. Vide totū illud caput contra eos, qui ordinant pro pecunia. D. August. lib. 2. contra epist. Parmenianī c. 13. probat Sacramentum Ordinis non posse amitti, ac proinde neque iterari, eō quod Baptismus non possit amitti seu iterari: *Vtrumque enim, inquit, Sacramentū est, & quadam cōsecratione utrumque homini datur: illud cū baptiz. atn. siud cū ordinatur: & idē in Ecclesia Catholica utrumque nō licet iterare. Et in frā: Si enim utrumque Sacramentum est, quod nemo dubitat, cur illud non amittitur, & siud amittitur? neurī Sacramento iniuria facienda est.* Vide totum istud caput. Idē alibi doceat, vt lib. 1. de Baptismo c. 1. D. Leo epist. 81. c. 1. ad Dioecorum, Ordinationem Sacerdotum vocat Sacramentum: *Ieiunantes, inquit, & orantes imposuerunt eis manus; vt intelligatis quanta & dantum & accipientū devotione curandum sit, ne tanto benedictionis Sacramentū negligenter videatur impleri.* Et epist. 87. c. 1. loquens de ordinatione personarū indignarum: *Quis, inquit, disimilare audeat, quod in tanti Sacramenti perpetratur iniuriam.* D. Gregorius lib. 4. Comment. in libros Regum c. 5. de Sacramento Ordinis loquens, *Qui promovetur, inquit, bene foris vngitur, si intus virtute Sacramenti roboretur. Denique idē docent omnes DD. cū Magistro d. 24.**

Probatur Quartū: Ratione. Prima est: In Ordinatione datur potestas conficiendi & administrandi Sacra menta, quibus in Ecclesia Catholica nihil est sanctius: atqui hæc potestas non potest cōuenienti modo exerceri sine gratia iustificante: ergo in Ordinatione confert gratia iustificans; ac proinde Ordinatio est verum Sacramentum. Cōficiencia patet; quia cū Deus dat potestatem alicuius munieris, simul cōfert ea, quæ necessaria sunt ad illud munus rite obendum: Dei enim perfecta sunt opera. Secunda ratio est: Non minus necessaria est gratia ad legitimè conficienda Sacra menta & ad-

ministranda, quād ad ea recipienda; cōficiens enim magis in illa influit, ac proinde si sit peccator, magis ea contumaciat: ergo si in Baptismo tribuitur gratia ad alia Sacra menta cōuenienter recipienda, multō magis in Ordinatione dabitur ad omnia Sacra menta cōuenienter tractanda & conficienda.

D V B I V M . IV.

Vtrum forma huius Sacramenti conuenienter exprimatur?

R Espondeo Affirmatiū. Notandum Primū: Aptè exprimi formam huius Sacramenti verbo imperandi; vt in Ordinatione Sacerdotis, ^{Cut huc} forma ex Accipe potestatem offerendi: similique modo in alijs primariis Ordinibus: vt pater ex Cōcilio Florentino, & ex ^{verbō Im-} Rituali Romano. Ratio est: Primū, Quia per hoc ^{perandis.} Sacramentū confertur potestas ei, qui ordinatur; potestas autē optimè confertur verbo imperandi, Accipe potestatem. Sic cū cōstituitur Rex, presertim à potestate superiori, rectissimè ei diceretur porrecto sceptro, Accipe potestatem regendi populum. Secundū, Quia hoc solum Sacramentū prodicit effectū sibi similem in altero: Episcopus enim per Ordinē quem habet, confert alteri Ordinem. Quare, vt hac traditio potestatis à potestate significatur, dicitur, Accipe potestatem &c. Per hoc enim significatur communicari Ordinato eam potestatem, quæ est in Ordinante. Qualis autem sit hæc potestas, significatur per actum, qui in forma exprimitur.

Notandum Secundū: In forma huius Sacramenti non exprimi effectum illūt Sacramenti, qui est gratia iustificans, sicut exprimitur in Baptismo, Confirmatione, Pénitentia, & extrema Vincione. Ratio est, quia hoc Sacramentum non est institutū primariō in utilitatem suscipientis, sed aliorū: illa autē sunt instituta ad ipsum suscipientē in se sanctificandū. Vnde in forma huius Sacramenti exprimitur solum potestas spiritualis, quæ in aliorū utilitatē datur; in alijs autem exprimitur gratia sanctificans seu remissio peccatorum, quæ datur in utilitatem suscipientis.

D V B I V M . V.

Vtrum hoc Sacramentum habeat materiam?

R Espondeo Affirmatiū: Hoc enim omni Sacramentū est cōmune, vt pater ex suprā dicit. Notandum est: In Sacramentis materia & forma ad eandem rem significandā adhiberi. Vnde in hoc Sacramento sicut forma significat & exprimit potestatum quæ per illud traditur, ita & materia. Instrumenta enim quibus cūsūque Ordinis potestas & officiū designatur, sunt materia huius Sacramenti; vt in Sacerdotio calix cū patena, vīno & hostiā; in Diaconatu; liber Euangeliorū, & sic in cæteris. Verū cūm in Sacerdotio, non solum hæc instrumenta porrigitur, sed etiā manus imponantur ab Episcopo: quæritur inter Doctores, vtrū hæc impositio manū sit necessaria ad essentiam huius Ordinis tanquā pars materiæ essentialis. Vt autem hæc res melius & distinctius intelligatur singulari dubio eam excutiemus.

D V B I V M . VI.

Vtrum impositio manū Episcopi sit necessaria ad essentiam Ordinis Sacerdotalis?

S Otus dist. 24. qu. 1. art. 4. docet hanc impositionem manū non esse necessariam; neque Negat etiam Soto,

etiam verba illa, quæ simul cum impositione profertuntur ab Episcopo, *Accipe Spiritum sanctum, quorum remiseritis &c.* Sed totum Sacramentum Ordinis sacerdotij perfici in porrectione calicis cum vino, patenæ cum pane, tanquam integra materia; & illis verbis, *Accipe potestatem offerendi &c.* tanquam integra forma. Impositione autem manuū solum explicari gratiam, & potestatem antè collatae esse enim cœremonia sacramentalē, non Sacramentū. Hanc sententia existimat Sotus esse cōnum Doctorum. Verū contraria est certa. Pro qua

[¶]
Impositio
manuū est
de essentia
Sacramenti
Sacerdotij,

D. Thom.

Dico Primo: *Impositionem manuum pertinere ad essentiam huius Sacramenti, sic ut sine ea Ordinatio Sacerdotis sit essentia Imperfecta.* Colligitur ex D. Thoma qu. 37. art. 5. vbi dicit, *Per manus impositionem dari plenitudinem gratia: atqui non daretur gratia, si non esset Sacramentum, sed solum aliquid sacramentale.* Et in responsione ad

D. Thom. 2. dicit Dominus post resurrectionem Iohannis 20. quando dixit, *Accipe Spiritum sanctum, quorum remiseritis &c.* dedisse Apostolis sacerdotalem potestatem quadam actum secundarium, qui est ligare & soluere. D. Bonaventura dist. 24. parte 2. q. 4. exp̄s̄ docet, nō solum instrumentorum porrectio- nem, sed etiam manus impositionem esse materiam, tūm in Sacerdotio, tūm in Diaconatu: & initio Ecclesiæ Diaconos esse ordinatos per solum manuum impositionem; eō quod in hac alia instrumenta virtute continentur, cū manus sit organum organorum. Et infrā dicit, *Impositionem manuum Episcopi non solum esse significacionem, sed etiam potestatis collationem.* Idem exp̄s̄ docet Sotus dist. 24. art. 3. & Paludanus eadem dist. q. 2. vt omittam recentiores. Vnde patet illam alteram non esse communem, vt Sotus affirmauit.

Probatur Primo: ex Scriptura. Apostolus 2. ad Timoth. 1. dicit per manus impositionem dari gratiam. Confirmatur; quia in Scriptura. Ordinatio ministrorum nunquam exprimitur, nisi per manus impositionē; nec aliud eius symbolum externū traditur; vt patet Act. 6. v. 6. & c. 13. v. 3: 1. ad Tim. 4. & 5: & 2. ad Tim. 1. Atqui nō est credibile Scripturā omisso ritu essentiali semper exprimere hoc Sacramentum per cœrmoniam extrinsecam.

Probatur Secundū: ex Concilijs, que passim docent per manus impositionem ordinari ministros. Vide Concil. Nicenum can. 9. vbi dicit per manum impositionem ordinari Presbyterum. Cōcil. Carthaginense I V. can. 3. dicit Presbyterum ordinari Episcopo super caput eius manum tenente: simili modo ordinari Diaconum. Idem confirmat Concil. Trid. less. 14. c. 3. de extrema Vnctione, dicens; Ministrum Extrema Vnctionis esse Episcopum vel Presbyterum ritè ordinatum per manus impositionem. Et less. 23. can. 4. aperte indicat dari Spiritum sanctum cum Episcopū dicit in Ordinatione, *Accipe Spiritum sanctum &c.*

Probatur Tertiū: Ex Patribus, qui exp̄s̄ docent Sacerdotes ordinari per Christovī, id est, manum impositionem. Vide Dionysium Areopagitan lib. de Ecclesiasti. Hierarch. c. 5. parte 2. & 3. Clementem Rom. lib. 8. constitutionem Apostol. c. 16. Ambrof. suprà & Hieron. in c. 58. Isaiae.

¹²
Verba, Ac-
cipe Spi-
ritum &c.
sum deel-
fentia Sa-
cerdotij Sa-
cramenti

Dico Secundū: Sicut impositionem manuum pertinet ad essentiam huius Sacramenti, veluti pars materiae, seu materia partialissima hæc verba, *Accipe Spiritum sanctum &c.* pertinent ad essentiam huius Sacramenti, tanquam forma partialis. Docet hoc ex-

presē Scotus dist. 24. art. 3. Et indicat Hieron. in c. 58. Isaiae cū ait Christovī non solum ad impre- cationem vocis, sed etiam ad impositionem manuum im- pletur. Vbi per imprecationem vocis, intelligit illa verba, *Accipe Spiritum sanctum.* Idcm colligitur ex Concil. Trid. less. 23. can. 4. vbi per verba illa, *Accipe Spiritum sanctū,* vult dari gratiam: ergo vult esse formam partiale. Probatur; quia, si impositionem manuum est partialis materia Ordinationis sacerdotalis, ergo debet habere formam sibi respondē- tem: neque enim verba illa, quæ in porrectione calicis pronuntiantur, impositioni manuum respon- dere possunt, cū diu antè pronuntiata sint, niem- pe ante Canonem incepsum; impositione vero ma- nuum fiat post Canonem. Idem confirmari potest ex Ritu Romano, vbi sicuti porrectione calicis respondent illa verba, *Accipe potestatem;* ita imposi- tionem manuum ista, *Accipe Spiritum sanctum.*

Dico Tertiū: Aliam potestatem & gratia dari in porrectione calicis, aliam in manum impositione. Ita Porrectio calicis & im- positione ma- nū habet diuersos effectus. Sequitur ex dictis: nam per utrumque confertur potestas Ordinari, ac proinde etiam gratia: atqui potestas illa est distincta: alia enim potestas expri- mitur dum calix porrigitur, alia quando manus imponuntur. In calicis porrectione significatur & exprimitur potestas consecrandi Corpus & San- guinē Domini; quæ dicitur *Potestas in Corpus Christi utrumque:* ac proinde hæc potestas conferetur & sim- mul gratia ad eius usum necessaria. In impositione manuum significatur & exprimitur potestas remittendi peccata per Sacramentum Pénitentiarum, quæ vocatur *Potestas in Corpus Christi mysticū;* ac proinde confertur hæc potestas & gratia illi respondēs.

Hinc patet Sacramentum Ordinis sacerdotalis constare duabus partibus, quarū quæque suam ha- beat materiam & formam partiale, & quæque suum conferat effectum; quæ etiam possint distin- bus partibus temporibus conferri, vt colligitur ex Grego- bus. Ordo Sacerdotis non iterandi. Vnde etiam Dominus eas distinctis temporibus dedit: potestatē enim consecrandi dedit in cana; potestatē remittendi peccata, post resurrectio- nem, Iohannis 20. Vnde nisi impositionem manum ad priorem accedat, ordinatio est imperfecta, & veluti dimidium constituit Sacerdotem, vt qui nondum habeat potestatē remittendi peccata, licet habeat potestatē consecrandi.

Sed contrā Obijcitur Primo, ex Soto: Conci- lium Florent. non meminit nisi vnius materiae & formæ; scilicet porrectione calicis cum vino, & ex Floren- patena cum pane, & verborum respondentium, & per hæc dicit tradi Presbyteratum.

Respondeo: Sicut Patres, cū explicant ritum solui- ordinandi Sacerdotes, non faciunt mentionē, nisi impositionis manuum, nec tamē idecirco negant porrectione calicis esse necessariam: ita Concil. Flor. et si non meminerit nisi Porrectio calicis, tamē non negat impositionem manuum: non enim Concilio propositum erat, exactè explicare omnia ne- cessaria, cū ea ex libro Ritu Romano peten- da sint, ad quem Concilium tacite remittit, cū ait, similiter in alijs &c.

Petes: cur Concilium potius expressit calicis porrectione, quam manum impositionem?

Respondeo: Fortassis, quia calicis traditio est prima & præcipua pars huius Sacramenti; vnde suffi- ciebat hanc expressissimè, & reliquias tacite indicasse.

Obijcitur

1. Obiectio
quod una
potestas
in altera
continetur.

Integra
Sacerdotis
potestas
duabus po-
tentibus
constat,
ut & inter-
gen chara-
cter duobus
characteri-
bus.

An. &
quomodo
dici possit
extendi
Character
vel Pote-
stas Sacer-
dotialis.

3. Obiectio
ex Cap.
Presbyter,

Sollicitur.

Obijcitur Secundo: Characteri sacerdotali annexa est potestas remittendi peccata; sed hic character imprimitur *porrectione calicis*: ergo etiam tunc datur potestas remittendi peccata.

Respondeo: Integro characteri sacerdotali annexa est illa potestas remittendi peccata: qui autem porrectione calicis imprimitur, non est integer: nam integer ex duobus constat characteribus, sicut integra Sacerdotis potestas duabus potestatis constat, quia diuersis symbolis externis converuntur. Neque hoc est absurdum, aut contra communem sententiam, ut Sotus existimat. Quando enim datur potestas consecrati, datur solùm character huic pote stati respondens, in quo hæc potestas fundatur: & quando datur potestas remittendi peccata, datur alijs character, cum sit alia potestas, quæ proinde in alio charactere fundari debet. Neque est illa ratio, cur non sint duo characteres, sicut sunt duæ potestates.

Dices: Non imprimi nouum characterem per impositionem manuum, sed extēdi dumtaxat priorē.

Respondeo: Si verè extenditur, ergo reale aliiquid ei additur; ac proinde aliquid noui imprimitur, quod nōs volumus. Quo modo etiā potestas sacerdotalis potest dici extendi per impositionem manuum ad remissionem peccatorum, quæ potestas anteā solū se extendebat ad consecrationē; nihilominus tamen aliqua vera & noua potestas confertur, quæ anteā non inerat. Si autem non verè, sed solū significatiū extēdatur character, sequetur etiam per impositionem manuum non dari veram potestatem aut gratiam, sed solū significari potestem & gratiam anteā datam; quod falsum esse ostendimus.

Obijcitur Tertiū: In Capitulo Presbyter, de Sacramentis non iterandis, definitur, inquit Sotus, *Impositionem manuum non esse de essentia Sacramenti, sicut nec in Subdiacono.*

Respondeo: Nihil tale dici, sed contrarium insinuari. Sic enim dicitur: Presbyter & Diaconus cum ordinantur, manus impositionem tactu corporali (ritu ab Apostolis introducto) recipiunt. Quod si omissum fuerit, non est aliquatenus iterandum, sed statuto tempore ad huiusmodi Ordines conferendos cante supendum, quod per errorem extitit pratermissum. Quod autem contrarium insinuetur patet: nam par modo requirit impositionem manus ad ordinacionem Presbyteri, & Diaconi: atqui in ordinacione Diaconi est omnino necessaria; vt patet Actorum 6. ubi per solam manus impositionem & orationem ordinantur sunt Diaconi, haec porrectione libri Euangeliorum, qui tum nondum exstabat: ergo manus impositionis erat omnino necessaria materia: ergo par modo in Sacerdotio est necessaria. Deinde, si solū est cæremonia, cur dicuntur debere cante suppleri tempore ad Ordines conferendos constituto? Nam quoquis tempore suppleri posset, imò parum esset necessarium.

DVBIVM VII.

Virum contabat materia si necessarius ad effectum huius Sacramenti?

Plerique Doctores tenent non esse necessarium, D. Thomas hic, Caietanus in Summa, verbo Ordinandi. Dominic. Soto q. 1. a. 2. Victoria q. 230. Ratio est: tū quia hoc Sacramentū consistit potius in traditione, quam in acceptione, vt Concil. Flor. indicat; tū quia censetur aliquis accipere, quando manus extendit ad comprehendendū id, quod porrigitur.

Sententia
aiens tu-
tor, & in
praxi leta-
uanda.

Hæc sententia probabilis est, non tamen certa. Vnde contrarium rutius est, & in praxi seruandū; nempe, vt ea que porrigitur, bene tangantur, prelectum in Sacerdotio, ubi calix & patena tan- genda. Si enim altera sententia fortassis in re, vera non sit, excusaberis quidem à peccato, quod bona fide non tergeris; tamen hæc bona fides non poterit supplicare defectum essentialē Sacramenti. Hostia autem satis contingi censetur, dum tangitur patena; sicut vinum, dum calix tangitur. Bonum tamen est esse diligentem etiam in Hostia tangenda. Aduerte tamen: Non esse necessarium, ut contactus materiae, & formæ prolatione simul fieri: satis est ut mortaliter simul fieri censeantur, et iam alterum nonnihil praecedat alterum. Ita Sotus hic & alii.

Notandum circa ea, quæ D. Thomas habet hæc q. 3. 4. a. 5. in Corpore, & ad 3. quadam non vi- deri solidā, nisi benignè explicentur. Nam Primo beugnè certū est, spiritualē potestatē, quæ confertur in hoc Sacramento, nō solū caulari à Ministro, sed etiam ab ipso Sacramento, ac proinde à materia & forma huius Sacramenti. Quare hæc materia & forma non tantum adhibentur ad determinan- dam potestatē, qua à Ministro traditur, sed etiam ad causandam: quin in o Minister non causat immediatē ipsam potestatē, vel characterem, vel gratiam, sed solū mediante Sacramento. Secundū certum est, effectum, qui in alijs Sacramentis confertur, non solū cesse à Deo, sed etiam à Ministro, quamvis mediante Sacramento. Vnde ex hac parte non videtur statuendum discrimen inter Sacramentū Ordinis, & alia Sacra- menta. Verum hoc solū differunt, quod effectus huius Sacramenti derivetur à Ministro, tanquam à causa vniuoca, sicut potestas à potestate; in alijs Sacramentis, effectus non ita à Ministro descendat, sed solū tanquam ab eo, qui applicat materiam habentem diuinitus virtutem Sacramentalem. Et hoc videtur velle D. Thomas.

CAPVT II. De effectu huius Sacramenti.

DVBIVM I.

*Virum in Sacramento Ordinis confertur gra-
tia & Charakter. Et an Character Ordinis
supponat Charakterem Baptismi?*

Respondeo & Dico Primo: In Sacramento Ordinis confertur gratia & character. De gratia, patet ex dictis supra du. 3. De Charaktere, etiam patet: quia per singulos Ordines datur aliqua peculiari potestas in ordine ad Eucharistiā. De hoc plura infrā.

Dico Secundū: Character Ordinis supponit characterē Baptismi. Quod adeo verum est, vt si quis carcat characterē Baptismi, sit omnino incapax Ordinis: estēque id commune Ordini cum ceteris Sacramentis. Baptismus enim tribuit proximam capacitatē ad cetera Sacra- menta; vnde dicitur Iana Sacramentorum.

Notandum est: Id quod D. Thomas ait q. 35. Si non ba-
si. in respon. ad 2. Si contingat non baptizatum ordinari, & Sacramenta administrare, pie credi posse, & Sacra- Christum, qui est summus Sacerdos, suppeditur defe- menta ad- tium, dando ultimum effectus Sacramentorū, nempe gra- minister, Deus no- & Patrum traditione non habemus alium modū suppedit- fecitum,

Eee iii ordina-